

Laß dir dein armes Heuffelein / Dein heilige Kirch befohlen
sein / Zündt in vns an der Liebe Brunst / Denn ohn dein gnad ist
allsvmbsonst.

Sterck vns vnd gib du Hertz vnd muth / Das wir beytm wort
dem höchsten gut / Halten steiff / vnd stehn fest dabey / Im fall der
noth bekennen frey.

Das vns kein fahr noch Tyrannen / Abschreck / dein gnad
Herr steh vns bey / Das vnser blödes schwaches Fleisch / starck
werd durch dich O heilger Geist.

Lob sey Gott Vater vnd dem Sohn / Vnd heiligen Geist vn-
serm Patron / O du heilige Dreyfaltigkeit / Gelobt seistu in Ewig-
keit.

Ein ander Lied / vmb Hülff vnd Beystand des Heiligen Geistes /

Nach vorhergehender Melodien vñ Composition : Rom heiliger
Geist / fol. 87.

D Herr Gott heiliger Geist / Ein Brun vnd Quelle des
Lebens / Den rechten Weg gen Himmel weist / volles Tro-
stes vnd Segens.

Der du hast der Apostel Hertz / Mit deinem Göttlichen glanze /
Erfüllet da sie warn mit schmerz. In mein Hertz auch solchs
pflanze.

Um Pfingstag du erleuchtest sie / Das sie gantz gtrost auff-
stunden / Zuerkunden der Welt alhie / Gottes des Herrn groß
wunder.

Das sie predigten Jesum frey / Das ewige wort des Vatern /
Mit allen zungen mancherley / Zu den Heiden vnd Tattern.